

唐圭璋編

全宋

詞

第十冊

國立編譯館

全宋詞卷一百五十四

曹冠 六十三首

曹冠

冠字宗臣號雙溪居士東陽人居秦檜門下徵其孫墳紹興二十四年興墳同登甲科仕至知郴州有燕喜詞

漢宮春梅

一品天香似藥真仙質宮額新妝先春爲傳信息壓盡羣芳化工
著意賦陽和欺雪凌霜應自負孤標介潔歲寒獨友松篁因念
廣平曾賦愛浮香隴月疏影橫窗真堪玉堂對賞瓊苑依光江城
塞管任龍吟吹徹何妨君看取和羹事在收功不負東皇

鳳栖梧

牡丹

魏紫姚黃凝曉露國豔天然造物偏鍾賦獨占風光三月暮聲名
都壓花無數蜂蝶尋香隨杖履睨睨鶯聲似勸遊人住把酒留
春春莫去玉堂元是常春處

又

溪蘭

桂棹悠悠分浪穩煙幕層巒綠水連天遠贏得錦囊詩句滿興來
豪飲揮金盃飛絮撩人花照眼天闊風微燕外晴絲卷翠竹誰
家門可款艤舟閑上斜陽岸

又

會于秋香閣適令丞有違言賦此詞勸之

昨夜西疇新足雨玉露金甌著意慶殘暑畫閣登臨凝望處霞霞
晚照明煙浦閑是閑非知幾許物換星移風景都如故耳聽是
非縈意緒爭如揮塵談千古

又

尋芳飲于小園

桃杏爭妍韶景媚雨霽煙輕山色按藍翠綠竹青松依澗水了無
一點塵埃氣忙裏偷閑真得計乘興攜壺文飲欣同志對景揮
毫聊寓意賞花對月拚深醉

夏初臨

琴拂虞薰月裁班扇麥秋槐夏清和筍變琅玕絳榴細盛香羅綠
雲初展圓荷見金鱗戲躍清波山丹舒豔葵花映日萱草成窠

浮雲富貴出處無心好天風月如意偏多用晏元獻公幕府王君玉事功名事業壯懷豈肯蹉跎待擁雕戈洗胡塵須挽天河醉揮毫知音爲我發興高歌

又婺州郡圖

水榭風臺竹軒梅逕雙溪新創名園極目遐觀碧岑斂散瑤煙柳塘風皺清漣爛紅雲花鳥爭妍豔妝佳麗相攜笑歌學弄鞦韆遊頭多暇命友尋芳賞心行樂物態熙然假香拾翠雅宜飛蓋聯翩滿勸金船任玉山頻醉花前且留連賞月畫闌擬闌嬋娟

又淳熙戊戌四月既望遊涵碧亭二亭鵲波竟日是日也初夏候合園林茂密瀑泉鐘鏐松韻笙簫縹緲波光上下相映佳山句在我思古人對景興懷視今猶昔何異乎蘭亭之感慨也賦夏初臨一闋以紀時日

翠入煙嵐綠鋪槐幄薰風初扇微和茂樾扶疏絳榴花映庭柯瀑泉飛下層坡閒新篁夾逕青莎良辰佳景登臨雋遊清興何多流觴高會不減蘭亭感懷書事聊寄吟哦升沈變化任它造物如何蹣跚攀蘿上冲霄滿飲高歌醉還醒重宴畫樓賞玩金波

風入松雙溪閣觀水

瑤煙斂散媚晴空雲淡奇峯澄江金斗平波面扁舟載簑笠漁翁髣髴輞川圖上依稀若雪溪中春鋤掠水浪花重飛傍蘆叢綺霞斜映征鴻影供吟毫佳景無窮頓起騎鯨遊興冷然欲御清風

霜天曉角清高堂看山

小雨濛濛輕煙舞曳風林樾高低疏密依淺瀨媚遙峯浴鷺水溶溶晴霞映晚紅擬向玉堂舉似摹寫入畫圖中

又荷花令用歐陽公故事歌霜天曉角詞壁荷花偏分席上各人一片最後者飲

浦溆凝煙誰家女採蓮手撚荷花微笑傳雅令侑清歡壁葉勸金船香風襲綺筵最後慙慙一瓣分付與酒中仙

又

水亭清絕擁翠環林樾湘簾寶筵乘興玉壺酒漾冰雪寶獸沈煙薰玉琴聲韻徹夜永風微煙淡梧桐影碎明月

喜朝天即踏莎行綺霞閣

繡水雕欄綺霞邃宇薰風颯至清無暑花閒休唱遏雲歌枝頭且聽嬌鶯語景物撩人悠然得句深盃戲把紋楸賭胸中邱壑自

生涼何須泉石尋佳趣

又

翠老紅稀歌慵笑懶淚濛濛雨軟
院片泥帶溼燕雙飛杜鵑啼
訴芳心怨座客分題傳觴迭勸送
春惜別情何限不須惆悵怨
春歸明年春色重妍暖

浣溪沙柳

翠帶千條蘸碧流多情不解繫行舟
章臺惜別恨悠悠溼雨傷
春眉黛斂倚風無力舞腰柔絲絲
煙縷纖離愁

又

槐柳風微軒檻涼芙蓉綠葉映池光
幾多飛蓋擁紅妝泉試雲
龍花乳泛袖籠寶鼎水沈香紋楸
戲戰賭霞觴

又

鴈字鱗差印碧空淡雲縈縷媚遙峯
悠颺舒卷逐西風煙鎖綠
楊深院靜花前寓意勸金鍾鳳簫一
曲月明中

朝中措茶

春芽北苑小方珪碾畔玉麈飛金筍
春葱擊拂花甕雪乳珍奇
主人情重留連佳客不醉無歸邀住
清風兩腋重斟上馬金危

又湯

更闌月影轉瑤臺歌舞下香階洞府
歸雲縹緲主賓清興徘徊
湯斟崖蜜香浮瑞露風味方回投轄
高情無厭抱琴明日重來

案王本此下原有和陶淵明歸去來詞乃文體而非詞體因刪

念奴嬌

宋玉高唐賦述楚懷王遇神女事後世信之愚獨以爲不然因賦念奴嬌洗千載之誣議以祛流俗之惑

蜀川三峽有奇觀神仙幽處巨石巉巖
臨積水波浪轟天聲
怒十二靈峯雲階月中有巫山女須臾
變化陽臺朝暮雲雨
堪笑楚國懷襄分當嚴父子胡然無度
幻夢俱迷應感逢魑魅虛
言冥遇仙別無仙字女恥求媒況神清直豈可輕誣汚逢君之惡鄙哉
宋玉詞賦

又

縣園達觀賞嚴桂

金鷄替暑覺庭梧湘簾涼生秋意玉露
宵零仙掌潔雲捲碧天如
水銀漢波澄蟾光練靜依約山橫翠
清商佳景笑它宋玉憔悴

堪笑利鑠名韁向蝸牛角上所爭何事四者難并人易老惟有修
眞得計榮悴循環功名由命達觀明深旨桂花同賞莫辭通夕歡
醉

又述懷和趙
宰通甫韻

天津仙客話平蔡曾把龍鍾調戲裴度未達嘗遊天津橋或言蔡州未平一老父指度曰必待此人度笑曰見我

龍鍾故相調戲茅舍雲林方隱迹日日桄榔適意鵬激天池扶搖未便尙

斂摩雲翅經綸萬卷箇中眞負豪氣喜遇良友知心登臨酬唱

堪作詞林瑞況是韶華將近也待約連宵春醉對客揮毫如虹浩

飲爭湧如泉思同寅他日誓堅忠義相濟

又詠中
秋月

碧天如水湛銀潢清淺金波澄澈疑是姮娥將寶鑑高挂廣寒宮

闕林葉吟秋簾櫳如畫別作丹桂香風發年年今夕庾樓此興清

絕因念重折高枝壯心猶鬱已覺生華髮好向林泉招隱處時

講清遊眞率乘興歌歡熙然朝野何日非佳節百盃千首醉吟長

對風月

西江月秋香閣

仙掌初零玉露清商乍肅金飈回環高閣桂香飄元自廣寒移到
絳蠟銀蟾輝映綸巾鶴氅逍遙賞心樂事醉良宵贏得開懷吟
獻

又示忠
彥

秋霽姮娥二八寒光逼散浮雲小山叢桂吐清芬猶帶蟾宮風韻

因念兩登仙籍恩霑雨露方新汝今妙歲已能文早折高枝榮

奮

又泛
舟

一派彎溪曲港兩山松幹檉蘿尋幽乘興泛煙波時見白鷗飛過

炫日浪紋金影連雲岸草青莎陶然一醉養天和解意歌鶯勸

我

水調歌頭遊三洞

我本方壺客飄逸離凡塵胸中萬卷談笑揮翰墨別作通神不慕

巢由隱迹不羨臯夔功業出處兩無心坦蕩靈臺淨塵隱勝雲林

念生平喜曠達事幽尋登臨舒嘯惟有風月是知音雅愛金華
仙洞一派蒼崖飛瀑四序景常新遐想赤松子來爲醒冲襟

又紅梅

造物巧鍾賦新臘報花期江梅清瘦只是潔白逞芳姿我欲超羣
絕類故學仙家緜杏穠豔映橫枝朱粉膩香臉酒暈著冰肌玉
堂裏山驛畔最希奇誰將絳蠟籠玉香雪染臙脂好向歌臺舞榭
鬪取紅妝嬌面偎倚韻偏宜羌管莫吹動風月正相知

又

遊燕賞潭洞舒嘯對雲峯瀑泉飛下銀漢一水淨涵空前度劉郎
詩句祇詠丹青摹寫佳境未親逢劉禹錫寄題涵碧詩有遠寫丹青到雍州之句爭似我吟賞
攜酒屢從容濯塵纓揮羽扇快薰風因思往古遊者清興與今
同泉石因人輕重峴首名傳千古登覽賴羊公陵谷有遷變動烈
耀無窮

鷗鵠天
仙夢

我昔蓬萊侍列仙夢遊方悟絆塵緣青春放浪迷詩酒黃卷優遊

對聖賢嘲水石詠雲煙乘風欲往思冷然要知昨夜方壺景只
在芸齋杖履前

好事近
桂嶽

蟾苑桂飄香雅稱姮娥珍惜吹下一叢仙種伴秋光岑寂金風
玉露嫩涼天造化有消息醉賞綠雲金粟媚枝頭月色

又已丑重陽
遊雷峯

商素肅金飈吹蟬又逢佳節乘興登臨舒嘯翫雲林清絕高歌
橫劍志平戎酒量與天闊更待醉歸開宴賞東籬明月

又燈花

良月戒凝寒清夜祥煙馥郁來報天庭喜事現燈花金粟芝書
奎畫下層霄官召想來促它日玉堂揮翰賜金蓮花燭

蘭陵王
碧瀾

晚雲碧松巖瀟泉翠滴雙魚畔疑是永和曲水流觴舊風物波光
映山色時見輕鷗出流壺天遠修竹翠陰虛賴吟風更幽寂登
臨興何極上煙際危亭彩筆題石山中猿鶴應相對遠景舒嘯

壯懷豪逸劉郎何在甌石刻感往事陳迹 還憶少年日帥旗鼓
文場軒冕京國如今老大機心息有陶令秫酒謝公山屐閒來潭

洞醉皓月弄橫笛

宴桃園遊

西湖避暑棹扁舟忘機狎白鷗荷香十里供瀛洲山光翠欲流
歌浩浩思悠悠詩成興未休清風明月解相留琴聲萬籟幽

又

塵纖小雨養花天池光映遠山蕙蘭風暖正暄妍歸梁燕翼偏
芳草碧綠波漣良辰近禁煙酒酣午枕興怡然鶯聲驚夢仙

惜芳菲

懷述

寓意登臨詩與酒豪氣直衝牛斗揮翰風雷吼我生嗟在東坡後
流水高山琴靜奏莫笑知音未偶天意君知否窮通在道吾何
有

江神子

南園

雨餘乾鵲報新晴曉風清聽鶯聲飛盡南園遊賞賦閒情麥壠黃

雲堆萬頃收刈處有人耕 淙琤漱玉洞泉鳴翠峯橫碧雲凝
畫園林綠素寫難成盧橘楊梅時正熟隨處賞飲班荆

暮山溪

九日

年年九日茱菊登高宴今歲旅新豐聽征鴈吟蛩幽怨行行遊賞
遲近得詩人呼斗酒發清吟豪氣凌霄漢 窮通默定志士那與
歎寓意醉鄉遊且贏得開懷蕭散功名外物何必累冲襟煉丹井
叱羊山尋箇修真伴

又鑑

湖

鑑湖千頃四序風光好撥棹皺漣漪極目處青山繚繞微茫煙靄
鷗鷺點菰蒲雲帆過釣舟橫俱被勞生擾 知章請賜獨占心何
小風本無私同衆樂寧論多少浮家泛宅它日效陶朱烹鱸鱖酌
松醪吟筆千篇壩

又乾道戊子
秋遊漁碧

深秋澄霽煙淡霜天曉翠峴峻摩穹有碧澗清溪繚繞鳴絃多暇
乘興約登臨聽水樂瓶豐碑遐想東坡老 當年叔子何事傷懷

抱名與此山俱歎無聞真成可笑吾儕勸業要使列雲臺擒頡利
斬樓蘭混一車書道

又渡江
詠潮

潮生潮落千古長如許吳越舊爭衡覽遺跡英雄何處胥神忠憤
賈勇助鯨波湍砥柱駕鼇峯萬騎轟鼙鼓連天雪浪直上銀河
去擊楫誓中流劍衝星醉酣起舞丈夫志業當使列雲臺擒頡利
斬樓蘭雪恥殲狂虜

又九
日

佳辰洊九吹帽霜風峭畫閣勢崔嵬遍危闌翠峯繚繞茂林修竹
別是小壺天煙靄淡夕陽明隱映溪光渺匣琴流水休恨知音
少長嘯對西風覺志氣凌雲標縹緲傳盃興逸高會繼龍山簪嫩菊
插紅萸相對年年好

東坡引九
日

涼飈生玉宇黃花曉凝露汀蘋岸蓼秋將暮登高開宴俎傳盃
興逸分詠得句思戲馬長懷古東籬候酒人何處芳尊須送與

水龍吟梅

自來百卉千葩算多有異芬清絕此花獨賦天然標致於中超越
月臉妝勻碧瓊枝瘦真仙風骨向嚴寒雪裏千林凍損鍾和氣先
春發信是芳姿高潔肯趨陪遊蜂戲蝶玉堂靜處竹梢斜亞凝
煙媚月一任嚴城上單于奏角聲淒切待芳心結實和羹鼎鼎收
功須別

滿江紅

淳熙丁酉六月十三日浙憲芮國瑞巡歷東陽招飲滴碧是日
也實予始生之日國瑞用舊詞韻作滿江紅爲壽因和述懷

味道韜光伴耕釣城南澗曲吾不羨煉丹金井訪仙王屋清潔

節無瑕通隱顯滿堂豈肯貪金玉向北窗高臥冰風涼槐陰綠

別作

閒自賞東籬菊偏喜種幽居竹信巍然良貴有榮無辱外物隨緣
姑泛應無心仕止常知足喜聖時協氣屢豐年西疇熟

又

日暖煙輕竹梢映花陰淩亂微風皺池光青別作碧綠楊垂岸豔

杏牆頭紅粉媚幽蘭砌下飄香暖稱邀賓明別作日去尋芳頻歡

宴光景速渾如箭醉夢裏春強半且花前莫厭玉盃頻勸一枕

遊仙方警悟浮名自笑猶縈絆醉揮毫付與雪兒歌嬌鶯囀古詩麗詞

桂飄香元名花心動

律應清商嫩涼生金風乍飄林葉玉兔騰精光浸樓臺宛似廣寒宮闕遠山橫翠煙霏斂鵲枝遶蛩聲淒切氣蕭爽一年好處桂花時節香壓羣芳妙絕記蟾窟高枝兩曾攀折思報君親何事壯懷猶鬱傳巖辛野時方隱心先定經綸施設賞花醉持盃更邀皓月

喜遷鶯上巳遊涵碧

豔陽時序向祓禊芳辰登臨仙府碧水澄虛修篁聳翠夾逕蕙蘭香吐春晚巧鶯聲碎風捲飛紅無數凝望處見桑村麥隴竹溪臨浦歡聚須信道遊宦東西易得成離阻北海開尊東山乘興四樂偷閒贏取棊戰新來常勝詩瘦只因吟苦心湛靜笑白雲多事等閒爲雨

八六子九日

晚秋時碧天澄爽云何宋玉興悲對美景良辰樂事採萸簪菊登臨共上翠微堪嗟烏兔如飛秉燭歡遊須屢傳盃到手休辭念戲馬臺存舊遊安在且開懷抱聽歌金縷從教下客疏狂落帽也勝醒醒東籬太白詩醒醒東籬下淵明不足羣醉中歸花陰月影正移

木蘭花慢和舊詞韻

念行藏道仕宦豈爲謀身自謗起營蠅東山高臥北海開尊榮枯置之度外得饒人處謾也饒人須信吾躬道義巍然良貴中存浮名蝸角是非蚊過耳總休論且嘯傲幽居清風皓月光景常新佩琴行吟勝景訪林泉避暑賞煙雲誰識懷忠賦晦此心常不忘君

柳梢青湖遊

湖岸千峯嵌巖隱映綠竹青松古寺東西樓臺上下煙霧溟濛波光萬頃溶溶人面與荷花共紅撥棹歸歟一天明月十里香風

哨遍東坡採歸去來詞作哨遍音調高古響溪居士體括赤壁賦被之聲歌聊寫達觀之懷寓超然之興云

壬戌孟秋蘇子夜遊赤壁舟輕漾觀水光瀾渺接遙天月出於東

山之上與客同清歡扣舷歌詠開懷飲酒情酣暢如羽化登仙乘
風獨立飄然遺世高尚客吹簫音韻遠悠颺怨慕舞潛蛟動淒涼
自古英雄孟德周郎舊蹤可想 噫水與月兮逝者如斯曷嘗往
變化如一瞬盈虛兮莫消長自不變而觀物我無盡何須感物興
悲悵夫天地之間物各有主惟同風月清賞念江山美景豈可量
吾與子樂之興徜徉聽江渚樵歌漁唱 侶魚蝦友麋鹿舉匏尊
相勸人生堪笑蜉蝣一夢且縱扁舟放浪戲將坡賦度新聲試寫
高懷自娛閒曠

小重山

風颭池荷雨蓋翻明珠千萬顆碎仍圓龜魚浮戲皺清漣翠光映
垂柳幕瑤煙 幽興寓薰絃俗塵飛不到小壺天身閒無事自超
然拚酩酊一枕夢遊仙

滿庭芳

榴豔噴紅槐陰凝綠薰風初扇微涼新荷舒蓋翠色映波光時見
金鱗戲躍聽鶯聲巧囀垂楊誰知我身閒無累對景自裏羊 南

堂清畫永瑤琴橫膝芸帙披香負氣衝牛斗操凜冰霜吟筆通神
掣電乘高與鯨吸飛觴情何憾君親未報功業志難忘

卜算子
仙夢

午枕夢遊仙身到蓬萊境何事鶯聲囀綠楊剛把人驚醒 乘興
對琴尊寄傲吟光景遶舍清陰映遠岑香篆槐堂靜

粉蝶兒

繞舍清陰還是暮春天氣遍蒼苔亂紅堆砌問留春不住春怎知
人意最關情雲杪杜鵑聲碎 休怨春歸四時有花堪醉漸紅蓮
豔妝依水芙蓉巖桂與菊英梅葉稱開尊日日殢香偎翠

臨江仙
明遠樓

三洞煙霞多勝致壺中別有登臨白鷗飛處晚雲深羣峯羅戶牖
空翠入衣襟 分得雙溪樓上景四時佳趣供吟浩歌鯨飲酒頻
斟鶯花休恨別風月是知音

浪淘沙
懷遠

清介百無求民瘼懷憂席珍藏器效前修自負平戎經國略壯猷

橫秋 二紀歎淹留尋壑經邱醉吟適意且遨遊致主丹心猶未
老天意知不

定風波

萬箇琅玕篩日影兩堤楊柳蘸漣漪鳴鳥一聲林愈靜吟興未會
移步已成詩旋汲清湘烹建茗時尋野果勸金卮況有良朋談
妙理適意此歡莫遣俗人知

青玉案

煙村茂樹灣溪畔似遠景暮輕練細草平沙騎款段漁翁欸乃卻
驚鷗鷺飛起澄波面班荆對飲垂楊岸枝上鶯歌如解勸山映
斜陽霞綺散醉吟乘興錦囊詩滿愛月歸來晚

使牛子

晚天雨霽橫雌霓簾捲一軒月色紋簾坐苦茵乘興高歌飲瓊液
翠瓜冷浸冰壺碧茶罷風生兩腋四座沸歡聲喜我投壺全中
的

望海潮
紹興府西園席上

會稽藩鎮舟車都會槐庭燕寢凝香禹穴舊蹤蘭亭勝致千巖萬
壑生光輿頌美龔黃慶慈闈戲綵眉壽而康寓與西園月臺風榭

賞羣芳

按此調佚後半闕將刻於此字分段恐誤

以上王本燕喜詞六十二首四印齋本曹冠燕喜詞六十二首係用等沙本而以別下齋最善本校訂篇中原有和歸去來辭一首即和靖節之作實非詞體今刪去屬提生謂當時或可被之筦弦非確論也

全宋詞卷一百五十五

陸 淞 二首

閻蒼舒 一首

游次公 四首

尤 袤 二首

黃 銖 三首

湯思退 一首

曾 惇 六首

張表臣 二首

朱 熹 十七首

一附錄

張 栻 一首

王 灼 二十一首

陸 淞

淞字子逸號雪溪山陰人書舊續聞云陸辰州子逸左丞相之孫晚以疾廢卜築于秀野越之佳山水也放傲世間不復有榮念對客則終日清談不能尤好語前輩事

念奴嬌

和李漢老

黃橙紫蟹映金壺
漱澗新醅浮綠共賞西樓今夜月極目雲無一粟揮塵高談倚欄長嘯下視鱗鱗屋轟然何處瑞龍聲噴斬竹

何況露白風清銀河澈漢髣髴如懸瀑此景古今如有價豈惜明珠千斛灝氣盈襟冷風入袖只欲騎鴻鵠廣寒宮殿看人顏似冰

玉 花亭粹編卷十

瑞鶴仙

春情

臉霞紅印枕睡覺來冠兒還是不整屏間麝煤冷但眉山壓翠淚珠彈粉堂深晝永燕交飛風簾露井恨無人與說相思近日帶圍寬盡重省殘燈朱幌淡月紗窗那時風景陽臺路遠雲雨夢便無準待歸來先指花梢教看却把心期細問問因循過了青春怎

生意穩絕妙好詞卷一

閻蒼舒

蒼舒字惠夫蜀人紹興二十七年進士官侍郎嘗北使汴京

水龍吟

少年聞說京華上元景色烘晴晝朱輪畫轂雕鞍玉勒九衢爭驟春滿鰲山夜沈陸海一天星斗正紅毬過了鳴鞘聲斷迴鸞馭鈞天奏誰料此生親到十五年都城如舊而今但有傷心煙霧縈愁楊柳寶籙宮前絳霄樓下不堪回首願皇圖早復端門燈火照人還有蘆花雪十

游次公

次公字子明號西河建安人定夫諸孫禮部侍郎孫之子范成大帥桂林以文章見知參內幕

賀新郎

斗柄回秋律素蟾飛冰霜萬里滿川金碧得月偏多何處是惟有

橋南第一正野迴西風寒寂丹桂婆婆疏影在想微瑕未累千金壁河漢遠澹無迹知君有句酬佳夕儘高歌胡床自倚露溥珠溢坐到參橫星欲闌隱隱天低似笠但絡緯悲啼催織吟詠淒涼翻有恨諒知音人遠空追憶誰爲置鄭莊驛

又宮詞

暖雲浮晴簾鎖垂楊籠池罩開萬絲千縷池上曉光分宿霧日近羣芳易吐尋並蒂闌干凝竚不信釵頭飛鳳去但寶刀被妾留還住天一笑萬花妬阿嬌正好金屋貯甚西風易得蕭疏扇鸞塵土一自昭陽扃玉戶牆角土花無數況多病情傷幽素別殿時聞簫鼓奏望紅雲冉冉知何處天尺五去無路

滿江紅

紅丹青閣

一舸歸來何太晚鬢絲如織謾歎息淒涼往事盡成陳迹山迫暮煙浮紫翠溪搖寒浪翻金碧看長虹渴飲下青冥危欄濕誰可住煙蘿側俗士駕當回勒伴岩扃須是碧雲仙客風月已供無盡藏溪山更衍清涼國恨謫仙蘇二不曾來無人說以上三首見中興以來絕妙詞選卷四

卜算子

風雨送人來風雨留人住草草杯杓話別離風雨催人去淚眼

不曾晴君黛愁還聚明日相思莫上樓樓上多風雨

後村詩話前集卷二

尤 袁

袁字延之無錫人生於靖康二年入太學以詞賦冠多士尋冠兩宮紹興十八年擢進士

禮部尚書正奉大夫紹熙五年卒年六十八贈光祿大夫諡文簡有梁溪集

瑞鷓鴣

梅詞

梁溪西畔小橋東落葉紛紛水映紅五夜客愁花片裏一年春事

角聲中歌殘玉樹人何在舞破山香曲未終卻憶孤山醉歸路

馬蹄香雪柳東風

萬柳溪邊舊話

又 海

行雨芳蕊傍溪陰一笑嫣然抵萬金烈火照林光灼灼彤霞射水

影沉沉晚妝無力胭脂重夜醉方酣酒暈深定是格高難著句

不應工部纔無心

同上

黃 銖

銖字子厚自號穀城翁崇安人有穀城集

江 神子

晚泊分水

秋風嫋嫋夕陽紅晚煙濃暮雲重萬疊青山山外叫孤鴻獨上高

樓三百尺憑玉楯睇層空人間日月去匆匆碧梧桐又西風北

去南來銷盡幾英雄擲下玉尊天外去多少事不言中

苦 薩 蠻

夜宿崇安縣第三鋪聞吹簫

海山翠疊青螺淺暮雲散盡天容遠匹馬度江皋北風生怒號

解鞍棲倦翮皓月空庭白何處小闌干玉簫吹夜寒

漁 家 傲

朱晦翁示歐公鼓子詞戲作一首

永日離憂千萬緒雪舟遠泛清漳浦珍重故人寒夜語揮玉塵沈

沈畫閣凝香霧風砌落花留不住紅蜂翠蝶閑飛舞明日柳營

江上路雲起處蒼山萬疊人歸去

以上三首見中興以來絕妙詞選卷四

湯思退

思退字進之處州青田人紹興十五年中宏詞科除秘書省正字累官觀文殿大學士左僕射封岐國公隆興初買居永州宋史有傳

菩薩蠻水月寺

畫船橫絕湖波練更上雕鞍窮翠巘霜橋半垂黃征衣盡日香

鍾聲雲外聽金界青松映何處是華山峯巒杳靄間詞綜卷三十一

曾惇

惇字宏父紆之子紹興中守台州黃州有集

念奴嬌送淮漕錢處和

繡衣直指問凌風一笑翩然何許詔出層霄持漢節千里秋風淮

浦鑑遠江山竹西歌吹曾被腥膻汚須君椽筆爲渠一洗塵土

休厭共倒金荷翠眉重爲唱渭城朝雨看卽揚鞭歸騎穩還指

葱深處寶帶兼金華勒新繡直上雲霄去回頭莫忘玉霄今夜風

露中興以來絕妙詞選卷一

訴哀情意別

鄞江雲氣近蓬萊花柳滿城隈風流謝守相遇應覆故人杯 煙

浪暖錦帆回莫徘徊玉霄亭下芍藥荼蘼都望歸來同上

浣溪沙

無數春山展畫屏無窮煙柳照溪明花枝缺處小舟橫 紫禁正

須紅藥句清江莫與白鷗盟主人元自是仙卿同上

點絳脣重九飲栖霞

九月傳杯要攜佳客栖霞去滿城風雨記得潘郎句 紫菊紅萸

何意留儂住愁如許暮煙一縷正在歸時路詞綜卷十二

朝中措

幽芳獨秀在山林不怕曉寒侵應笑錢塘蘇小語嬌終帶吳音

乘槎歸去雲濤萬頃誰是知心寫向生綃屏上蕭然伴我寒衾芳全

備祖卷二十一水仙花門

又

綠華居處渺雲深不受一塵侵細看宜州新句平生纔是知香

凌波一去平山夢斷誰是關心惟有青天碧海知渠夜夜孤衾芳
備祖卷二十
一水仙花門

張表臣

表臣字正民右承議郎通判常州興吳以
道游紹興中爲司農丞有珊瑚鉤詩話

菩薩蠻

過吳江

垂虹亭下扁舟住松江煙雨長橋暮白紵聽吳歌佳人淚臉波

勸傾金鑿落莫作思家惡綠鴨與鱸魚如何可寄書

珊瑚鉤詩話

驀山溪

野梅

樓橫北固盡日厭厭雨欸乃數聲歌但涉漠江山煙樹寂寥風物

三五過元宵尋柳眼覓花英春色知何處落梅嗚咽吹徹江城

暮脈脈數飛鴻杳歸期東風凝佇長安不見烽起夕陽間魂欲斷

酒初醒獨下危梯去

珊瑚鉤詩話

朱熹

熹字元晦一字仲晦世爲徽州婺源人父革齋先生松旌建陽之考亭
遂家焉生於建炎四年紹興十八年中王佐榜進士寧宗朝歷官實文閣

待制僞學禁起落職奉祠慶元六年卒年七十一累贈寶文閣直學士諡
曰文理宗朝贈太師追封徽國公從祀孔子廟廷曾結草堂於建陽麗峯

之雲谷扁以晦庵亦號雲谷老人既又創竹林精舍更號
滄州病叟最後因黨遇逐之同人更名藝齋有晦庵詞

浣溪沙

次秀野
餘臘韻

壓架年來雪作堆珍叢也是近移栽肯令容易放春回卻恐陰

晴無定度從教紅白一時開多情蜂蝶早飛來

菩薩蠻

回文

晚紅飛盡春寒淺淺寒春盡飛紅晚尊酒綠陰繁陰綠酒尊

老仙詩句好好句詩仙老長恨送年芳芳年送恨長

又

次圭父
回文韻

暮江寒碧縈長路路長縈碧寒江暮花塢夕陽斜陽夕塢花

客愁無勝集集勝無愁客醒似醉多情情多醉似醒

好事近

春色欲來時先散滿天風雪坐使七閩松竹變珠幢玉節中原

佳氣鬱蔥蔥河山壯宮闕承相功成千載映黃流清澈

西江月

睡處林風瑟瑟覺來山月團圓身心無累久輕安況有清池涼館
句穩翻嫌白俗情高卻笑郊寒蘭膏元自少陵殘好處金章不
換

又

堂下水浮新綠門前樹長交枝晚涼快寫一篇詩不說人閒憂喜
身老心閒益壯形臞道勝遠肥軟輪加壁未應遲莫道前非今
是

鷓鴣天

江檻

暮雨朝雲不自憐放教春漲綠浮天祇令畫閣臨無地宿昔新詩
滿繫船青鳥外白鷗前幾生香火舊因緣酒闌山月移雕檻歌
罷江風拂玳筵

又

已分江湖寄此生長衰短笠任陰晴鳴榔細雨滄洲遠繫舸斜陽
畫閣明奇絕處未忘情幾時還得去尋盟江妃定許捐雙珮漁

父何勞笑獨醒

又叔懷嘗夢飛仙爲之賦此歸
日以呈茂獻侍郎當發一笑

脫卻儒冠著羽衣青山綠水浩然歸看成鼎內真龍虎管甚人閒
閒是非生羽翼上煙霏回頭祇見冢纍纍未尋跨鳳吹簫侶且
伴孤雲獨鶴飛

南歌子

次張安
國韻

落日照樓船穩過澄江一片天珍重使君留客意依然風月從今
別一川離緒悄危絃永夜清霜透幕氈明日回頭江樹遠懷賢
目斷晴空雁字連

滿江紅

劉知郡
生朝

秀野詩翁念故山十年乖隔聊命駕朱門舊隱綠槐新陌好雨初
晴仍半暖金釭玉晷開瑤席更流傳麗藻借江天留春色過里
社將兒姪談往事悲陳迹喜尊前現在鏡中如昔兩鬢全期煙樹
綠方睡好映寒潭碧但一年一度一歸來歡何極

水調歌頭